
Shahrimizda “Farg‘ona viloyat prokuraturasi bog‘i” tashkil etildi

Farg‘ona viloyat prokuraturasi organlari tomonidan joriy yil kuz mavsumida jami 45 ming tup manzarali, mevali daraxt va buta ko‘chatlari ekilishi rejalashtirilgan. Bugungi kunda viloyat prokuraturasi organlari xodimlari tomonidan 5 gektardan ortiq yer maydonlariga 10 ming tup ko‘chatlar ekildi.

Xususan, kuni kecha viloyat prokurori Baxtiyor Ismoilov rahbarligida viloyat iqtisodiy jinoyatlarga qarshi kurashish Departamenti, Majburiy ijro byurosi, Ekologiya boshqarmasi hamda boshqa davlat va nodavlat tashkilotlari xodimlari ishtirokida Farg‘ona shahridagi “O‘rmonchilar” mahalla fuqarolar yig‘ini hududida joylashgan 0,7 gektar yer maydoniga manzarali, mevali daraxt va buta ko‘chatlari ekish ishlari tashkillandi.

Ko‘tarinki ruhda o‘tkazilgan tadbir davomida yapon saforasi, yasin, qayrag‘och, akatsiya kabi 250 tup manzarali daraxt ko‘chatlari hamda 400 tup bodom ko‘chatlari ekilib, “Viloyat prokuraturasi bog‘i” tashkil etildi.

2023-11-22 14:19:30